

想入於涅槃、而於彼土求佛智慧得聞是經上。此文既見證果羅漢不來法華座入無餘涅槃、生方便土聞說法華。若爾者、既生方便土何不斷見思、是故天台妙樂釋彼土得聞。又於爾前菩薩說始見我身聞我所說即皆信受入如來慧。故知爾前諸菩薩斷除三惑入於佛慧。故解釋云、初後佛慧圓頓義齊上。或云、故學始終意在佛慧。若此等說相經釋共非義、正直捨權之說、唯以一大事之文、妙法華經皆是真實之證、誠皆以無益也。皆是眞實言者、豈非互一部八卷乎。釋迦多寶十方分身之舌相至梵天神力三世諸佛誠諦不虛之證、誠空同泡沫。但至小乘斷常二見者、且對大乘以小乘同外道、非無小益也。又七方便並非究竟滅釋、或復但言觀心則不稱理者、又是對於圓實大益下七方便益釋、並非究竟滅即不稱理也。第四重難云、以法華本門觀心之意、按一代聖教、如取菴羅果捧掌中、所以者何。迹門大教起爾前大教亡。本門大教起迹門爾前亡。觀心大教起本迹爾前共亡。此是如來所說聖教、從淺至深次第轉迷也。然如來說不爲一人。說此大道迷情不除者生死難出。若爾前中有八教者、頓則華嚴、漸則三昧、祕密不定互前三昧。藏則互於阿含方等。通是方等般若。圓別是則前四味中除鹿苑說。如八機各各不同、教說亦異。四教教主亦是不同、當教機根不知餘佛。故解釋云、各

①〔何〕一④

②聞=故④

③則=即④

④〔於〕一④

⑤意=智④

⑥前=先④